

太谷縣志

卷八

藝文下

墓表

賦詩

卷末

志餘

太谷縣志卷八

墓表

明

文學孔環橋墓表

韓宗文

環橋君葬朝陽東北從父兆也今墓木已拱矣  
族年譜詳壙中石千百載允弗泐會姚孺人卒

孟仲子不欲湮沒其先人謀爲樹碣表阡俾後世  
考古者覽遺文而論次其人其人死且不朽走伴  
手行實來按狀君諱進賢環橋其字也曾祖諱公

山西書局  
地方文獻

00951

(24248)

幹生曷曷生思唐娶智氏生二子次詣黌長爲君  
君生而岐嶷頤頤瞻視不常二旬餘補邑庠弟子  
員孝事父母夜必溫清旣寢屏息伺牖外安枕則  
歸臥否必詢所以父嘗病溷溺必視其色知無恙  
則色喜母患腹疾侍湯藥不解衣帶錄科名不赴  
省闈朝夕周旋畧無倦容父母卒哀毀骨立三年  
盡禮生平口不言貨利貲產計簿皆綜理弟手省  
試所需索之弟歸卽予其橐平生喜飲而不及亂  
所交皆雅飭士家道繁昌終其身所著皆布衣芒

屨客至留飯無踰四器疾紛華麗如仇讐至如  
嚴氣正性一事所爲不當如莽蜂之在體學使者  
廉優行君嘗與焉無何遭疾終崇禎六年十月四  
日也距生萬曆十年六月二十一日享年五十有  
二子二長仕魯邑庠生次變魯邑庠生惟君自其  
曾大父以來積善行義隱德弗耀主君業儒術孝  
友性成踐履篤實勤儉可以詔後廉靜可以振俗  
凡嶽模懿範俾子若孫有所觀感而興起者豈自  
旣哉余旣述行狀所載並附余之所聞去之於石

復系之以銘銘曰幽阡孔安以棲其魂松柏茂矣  
宜爾子孫

國朝

翼城縣訓導吳君墓表

王系

君諱瑛字玉英號蓮溪按系譜本延陵後裔遠祖  
諱旺者流寓太谷迄今十六世矣前世代有偉人  
王父旺山公廉幹勤敏以計然策起家尊人靜觀  
先生天性豪邁讀書過目成誦蚤歲補博士弟子  
員旋餼於庠年近知非卽成歲進士君善繼父志

攻舉子業弱冠遊庠數試不售歲辛未以例貢入  
成均天性純孝父卒哀毀骨立一切祭葬如禮而  
春露秋霜之感數十年如一日生母喬太孺人賢  
而蚤逝事繼母張愉色婉容敬養兼至他若交友  
以信待人以誠篤於宗族厚於親串更難屈指數  
也居鄉嘗設絳帳授生徒慇懃誘掖終日不倦遊  
其門者多所成就歲己丑秉鐸翼庠集諸生於明  
倫堂分題角藝而親手丹黃批郢導教發人神智  
不期年文風丕振科第倍盛於前河東一郡稱翼

邑人文爲最歲科試有窮乏者弗較束修有志科  
舉而苦無盤費者輒給與之辛丑翼邑大荒奉憲  
賑饑君於窮山僻壤之中足跡遍至務使實惠均  
沾君在翼不惟士被其德抑且民感其恩洵稱不  
愧厥職者無何以疾卒於官時康熙六十一年十  
二月初四日也距其生於康熙四年七月十三日  
享年五十有八元配安孺人處士諱詩公長女性  
情和淑年十六于歸事繼姑張順志承顏姑病藥  
必親嘗衣不解帶相夫子克敦婦道自奉淡薄及

賓朋過從雞黍咄嗟立辦持家甚勤夙興夜寐躬  
先倡率凡歲時伏臘祀祖奉先蘋蘩筐筥必盡誠  
致潔至於教子孫待婢僕勞以成愛嚴而寓寬又  
非可於尋常儕俗中求之也且性好施與親戚里  
黨有所求毫無吝惜其天性疏爽又如此補人生  
於康熙六年六月初六日卒於雍正六年二月初  
二日享壽六十有一生丈夫子五長其諱字子安  
太學生候選主簿次其諱太學生次其諱太學生  
次其諱增廣生次其諱廩膳生女一每男十五孫

女十三雍正七年三月二十八日子安兄弟輩扶孺人柩與君合葬於城南南張村之原先期遣人持行狀走榆邑求余文以表墓榆與谷邑壤相接知先生與孺人之行誼詳且悉不敢以不敏辭因厯叙其大概焉

贈修職郎文學杜君墓表

黃淑琬

君諱博字約夫先世本秦中人始祖讓甫明初徙居山右遂爲晉陽太谷人屢世以儒起家大父諱奇榮爲邑名諸生豁達曉大體明末流寇薄城闔

邑惶懼因縋城說賊緩攻已而官兵四至賊乃潰去其他排難解紛談言微中大率類此父諱書林字文苑

國初取士入學爲首選弱冠食廩足跡不履市廛母白氏棄君襁褓中繼母胡氏撫君成人而岐嶷不喜嬉弄雖尊長不幼狎之甫授書寓目成誦出語驚人比長丰骨聳秀如寒松秋鶴亭亭物表遊庠食餼皆冠一軍才名籍甚諸先達以第一人期之顧數奇屢困場屋同志輒爲不平君恬然處之

既乃益下董帷沉酣經史貫串百家遐邇負笈從遊者戶外屢常滿焉君性最孝事親色養痛幼失恃每逢忌辰及已生日輒號泣不起事繼母下氣怡聲不違其志三十年如一日居喪哀毀骨立殯葬悉遵家禮雅不喜浮屠方士家言爲人剛正廉介遇事敢言邑有建議當事者每借箸焉君籌畫切中機宜未嘗絲毫利己其在學校則肅體統慎名節多士奉爲楷模嘗謂學者必先立品行若行已有虧縱侈談性命皆浮詞耳家徒四壁不事生

業課授生徒外不肯干人以私修資偶贍則以賑夫窘急無告者貧而好施蓋其天性然與治家嚴而有法諸子有過懲劄尤切雖孩提稍長不少假以辭色人擬於漢石氏云生順治丙戌年九月十日戌時卒康熙丙子年八月十日寅時享年五十一元配王幽閒慎淑不愆於儀善相夫子克敦婦道生順治己丑年十一月二十一日未時卒康熙癸丑年四月二十三日未時享年二十有五孫配李事姑能孝撫孤以慈節儉寬仁終身如一日順

治戊戌年正月十二日亥時卒雍正乙巳年二月  
七日辰時享年六十有八丈夫子五冠瀛王出甲  
瀛元瀛邑庠生先瀛康熙辛丑進士內升教習首  
瀛舉雍正癸卯鄉試第一俱李出女子三王出者  
一李出者二孫男六方升方興方盛方至方穀方  
將曾孫男二祁郊將以今年十月六日合葬於城  
西副井祖塋之兆乞文於余余與兩生有通家誼  
故爲援筆而表君之墓

贈文林郎文學武君墓表

任蘭枝

丁未春

世宗憲皇帝御極之五年余與門人鄒君升恒同分枝禮  
闡山右孝廉武子一韓出鄒君門下越四年辛亥  
除授直隸宣化府懷安縣令雍正十三年乙卯恭  
逢

覃恩例得以己身妻室封典臆封其祖父母遣伴走京  
師持其祖父母年譜行實請表於余口韓祖父母  
受

天子勅命將勒石以垂不朽願太夫子壽以如陳川光泉



壤余謹按贈君諱世奇字名世係太原郡之陽邑人父旺泉公爲人卓犖不羣捐館時贈君方在襁褓賴太孺人王矢靡他而育之提攜顧復如是者有年然又慮孺子之無以教之也遣就傅贈君舉止異凡兒出居學舍則口誦手披入侍慈闈則昏定晨省初不敢玩愒遊佚重傷孀母心故年甫弱冠卽青其衿旋補增廣弟子員爲文清真矯健絕去鉛華明毛鄭詩善講說谷邑人士相與執經而考疑者繼於門且爲人丰神俊朗意氣豪邁親朋

輩偶有忿爭輒爲排解之兩造遂平性好施予家本貧苦見有窶人子輒以錢粟資之不責其償蓋蚤已爲昌後地矣元配杜氏贈孺人婦道克嫻相夫子無違德太孺人王老且病孺人朝夕侍飲食藥餌無倦容撫子若女恩義備至而待臧獲則一以慈無疾言厲色固婉婉之教所不及者積慶積孺人性行和淑庭無間言贈君卒於康熙辛未年九月三十日享年五十有三仕孺人先君卒於十四年享年三十有九趙孺人長君卒於辛未年享年五

十有... 俱杜出長惠次意女二亦杜出孫  
男二俱惠出曾孫男九元孫男二鸞停鶴峙俱頭  
角嶄然蓋惟贈君積之也厚斯流之也光知所由  
來者遠矣余與懷安令素有淵源不可以辭爰執  
筆以傳其祖父母逸事而又嘉令之孝思不置能  
追崇其先也因並及之昭茲來許云

松江批驗所大使范君墓表

王嘉俊

君諱煒字仲光姓范氏韜齋其號也先世洪澗人  
明初始祖從善遷籍谷邑家范村祖諱澤喜詩書

敦善行爲鄉里推重父諱淑仁字又純邑庠增生  
以君仕貤贈修職郎母郝孺人君器宇寬洪丰姿  
嚴重方少時風度如成人年弱冠補邑庠弟子員  
尋補增廣生雍正庚戌督學朱公以行優貢入成  
均甲寅劄監肄業乙卯揀選引

見命往兩淮鹽場委用厯署餘東石港金沙掘港等場所

至無赫赫聲去後人多思之蒞任西亭凡八載以  
廉惠稱厯奉檄紀錄四次時慈闈年邁以屢乞終  
養不獲爲念與人言輒淚下乾隆十年乙丑再四

哀毀骨立三年內以不逮養時抱恨服除補松江  
批驗所甫抵任釐積弊整廢務各憲器重之君嘗  
與人曰人謂鹽務爲腥羶地須知窮竈紛紛以我  
爲主亦親民吏也我不染腥羶誰能染我嗚呼觀  
君言其清操可見矣辛未春委辦

南巡差務料理西湖金沙港關帝廟花園景亭等處陳設  
事宜恭迎

聖駕臨幸二次明年三月欽奉

上諭加一級甲戌以痰疾乞回籍家居課子不涉公府又  
六年卒君天性孝友廉介自持生平趣舍大節未  
嘗一悖於理至卹貧困好施予尤爲本懷配程孺  
人與君同生辰有賢行事舅姑以孝聞先君四年  
卒余在太學時與君同學同仕兩任同寅稔知君  
之學行德望也故如其子國子生爾址等之請書  
以遺之以表厥墓且寫余思焉時乾隆二十六年  
十月三日

孝廉孟康侯墓表

杜先瀛

朝定鼎之後天下成平始復成家焉一生仗義疎財  
急公赴難慷慨激昂之氣時見於眉宇間至於工  
詩文諳韜畧其餘技耳考之懿氏卜妻敬仲占曰  
五世其昌晉之封魏也卜偃曰畢萬之後必大自  
古富貴名多磨滅惟侗儻非常之人可以貽厥謀  
而昌厥後耳公孝義著於生前瓜瓞綿於身後歷  
今五世子孫繁衍閨門之內雍雍肅肅毫不聞嗃  
嘻聲所以英賢接踵後先輝映或以德行式乎閭  
里或以才名噪乎藝林吾邑稱望族者必於孟氏  
交橫哀毀骨立終身不御酒肉追我

朝定鼎之後天下成平始復成家焉一生仗義疎財  
急公赴難慷慨激昂之氣時見於眉宇間至於工  
詩文諳韜畧其餘技耳考之懿氏卜妻敬仲占曰  
五世其昌晉之封魏也卜偃曰畢萬之後必大自  
古富貴名多磨滅惟侗儻非常之人可以貽厥謀  
而昌厥後耳公孝義著於生前瓜瓞綿於身後歷  
今五世子孫繁衍閨門之內雍雍肅肅毫不聞嗃  
嘻聲所以英賢接踵後先輝映或以德行式乎閭  
里或以才名噪乎藝林吾邑稱望族者必於孟氏

首... 鳴... 源之遠者流自長斯天之報施善  
人卽公之利賴其後嗣者與子三號號俱庠生舉  
鄉飲競考經歷孫六頌品庠生鴻品候選經歷魁  
品增生鄉飲介賓隆品臺品太學生京品庠生曾  
孫二十一岳太學生密武優生岱馨熙庠生照烈  
寅倬太學生憬忱懌潔灝潛增生濬璿璿武庠生  
璿琦琮元孫啟梧啟桐啟梅啟桂啟檉啟模廩生  
啟周啟疆庠生啟均啟楷啟明啟棟啟模啟鈞啟  
鈺啟銷啟元啟狎啟筠啟翼啟晰啟林啟聯啟宗  
啟章啟哲啟芳啟釗啟浚啟光啟襄啟翹啟翥啟  
嚮啟宇五代孫生雯生霞生霖生蕢生蕙文蔚生  
草生華生芸生芬生菖生蘭生露俱備勒諸石以  
志其盛云

贈奉政大夫太學生孫公墓表 孫廷夔

嗚呼惟我顯考蕘村府君葬於太谷城東三里之  
原越二十年其子廷夔始克表其墓蓋當其始痛  
念先德仰體先志欲表幽光且當俟之於後也府  
君諱有詢字帝咨號蕘村先人自秦遷谷邑至州

若公雍正己酉舉人獲取知縣辭不仕

欽賜國子監學正文行卓立名重藝林子四府君其長也  
生而仁厚幼知嗜學十歲能屬文祖考深器之年  
十五入成均攻舉子業博綜經史有文譽僉謂科  
名可立俟也顧數奇不售安之若素嘗云讀書裨  
益身心科名得失守分安命可耳律度自持足跡  
不履塵市以修身養性爲本敦古處鄙勢利讀書  
之暇兼理家政祖父性嚴毅府君愉色婉容先意

承志必得歡心而後卽安孺慕之懷發於性真故  
能歷久而不懈教讀諸叔父殷勤誘掖十數載無  
倦容以愛弟之誠盡悅親之道太和之氣充溢門  
庭行年五十十入鄉闈薦而被黜者七學使者下  
車每試必置優等尤見賞於元益蔣公索窗稿爲  
之扼腕曰技至此不遇命也邑舉優行旌以匾口  
孝友爲政廷夔暨諸弟自幼從學膝下慈嚴備至  
年逾花甲課讀諸孫手不停披庚寅廷夔領鄉薦  
春南叔父中副車府君欣然而年臻古稀矣治家

親疎貴賤悉遇之以忠信和易故里中有所爭得  
府君一言而釋遠近稱爲長者之門時祖考妣年  
臻大耋府君孺慕依然率諸子抱孫承歡左右堂  
上顧而樂之怡然忘老壬辰春府君寢疾召廷夔  
語曰我不能盡終養之職永憾重泉汝善事之迪  
光前人惟汝是望毋墮厥志異時登仕籍悃悞無  
華古訓是式毋蹈俗吏之爲以羞家乘也遂不起  
廷夔泣而志之歲庚子吾弟廷益舉於鄉與堂弟  
中我顯考府君

覃恩

誥贈奉直大夫

晉贈奉政大夫工部主事應贈監察御史我顯妣

誥贈宜人前妣武太宜人幽閒淑慎克敦婦道先府君

三十九年卒妣趙太宜人寬仁孝謹感黨無間言

先府君二十二年卒回憶慈幃鞠育以養以教每

何如也祖考妣

覃恩馳贈如考妣府君之志也溯自顯考始葬距今霜露久更撫躬自維追思先德於是泣然流涕日嗚呼潛德無不發之光惟我顯考修德行仁好古積學治家勤儉不遑暇逸天心默默終老其身於幽居誦讀以完祖宗數世艱難之業以成弟子孫三世科第之名其責至重而功至偉由是叔姪同譜兄弟聯科府君之教澤長矣雖不得有於其身而

龍章屢錫

恩榮二代實足光垂泉壤昭示來茲爰舉懿行嘉言畧陳梗概以勒於石俾知廷夔之德薄才鈍幸叨爵位罔敢隕越以貽先人羞者微府君善承先德而庇賴之不及此子男四長廷夔辛丑進士歷任工部虞衡司主事都水司員外郎營繕司製造庫郎中陞任掌江西道監察御史次廷垂郡廩生候選州同封奉直大夫趙太宜人出次廷益庚子舉人候選中書議叙光祿寺署正次廷龍贈奉直大夫



克嫺里黨咸奉為母儀今年逾七旬壽當未有艾也女三孫男五錫瓚癸卯舉人揀選知縣廷夔出錫紱附貢生廷益出錫鏞候選布政司經歷廷龍出錫璜太學生廷夔出為廷垂後錫瑞廷夔出曾孫男五派昌緒昌錫鏞出晉昌錫紱出運昌錫瓚出凝昌錫璜出府君生於康熙四十二年十一月二十五日卯時卒於乾隆三十七年二月初三日申時享壽七十歲武太宜人生於康熙四十二年

十月十二日午時卒於雍正十二年三月二十四日巳時享年三十二歲趙太宜人生於康熙四十七年十月二十八日子時卒於乾隆十六年七月十二日辰時享年四十四歲乾隆四十年十一月二十四日未時合葬於城東祖塋之次乾隆六十年三月初六日男廷夔表

河南撫按祭董綸文 附

嘉靖癸丑秋七月夜有逆賊突入歸德檢校董綸與之力戰死之越十一月初十日壬子巡撫河南

閻芝等厚以贖金爰用牲醴庶豆奠之曰嗟乎若  
檢校者可以風後世矣予始奉命入河南也卽聞  
歸德之變檢校夫婦之烈云蓋方逆賊之未逞也  
檢校職攝巡捕常欲擒之而謀不克遂及其入寇  
也檢校奮不顧身能力戰之而氣不可撓旣而被  
執也又能厲聲慷慨視死如歸而志不可奪嗟乎  
死生之際亦難矣而汝以一身之微當巨寇之鋒  
知時之不可爲事之不可濟而浩然之氣毅然之

色曾不爲少變君臣之義無虧綱常之紀可立孔  
孟之所謂成仁取義者檢校有焉嗟乎若檢校者  
可以風後世矣且汝妻賈氏見汝之死亦能仗節  
被害汝姪汝僮知汝之死亦能奮鬪而死不與賊  
俱生又皆人之所難也當是時汝之拒賊也知有  
君也不知其有身也汝之妻之姪之僮知有汝也  
不知其身爲身也是汝能以身殉國又能使汝妻  
汝姪汝僮能以身殉汝汝必自諒其死之爲安也  
嗟乎若檢校者可以風後世矣汝子歸將葬汝於

故... 汝被禍之慘賻金三百兩茲遣  
所司修祭且將諸贈官於朝立祠於社以揚汝忠  
以慰汝靈檢校之英爽不散者其亦知之否耶

祭董檢校文

宋 纁

人參三才同具彛倫君臣大義不減於親黃虞日  
違吾道荆榛素餐尸位如越如秦吁嗟董公三晉  
奇珍昔者結綬贊政吾昉偶逢陽九厥生不辰師  
賊倡逆大播災屯公位雖卑公志則純罵賊至死  
奮不顧身公妻賈氏同委埃塵節義成雙聞者酸

辛公姪董魁尋亦就輜忠孝並烈動彼蒼雲孟曰  
取義孔曰成仁公之一家無忝爲臣步趨杲卿效  
法張巡愧彼奸諛草木同氓欽承上命觀風西汾  
悼公忠義悽愴傷神有殺惟賸有酒惟醇精爽有  
知髣髴來臻

祭董檢校文

呂 坤

嗚呼睢陽之陷於尹子奇也抗節則有六忠歸德  
之陷於師尚詔也死難則惟我公當義氣時會  
七擒之策及破城日願就五鼎之烹罵賊一門喋

血刃... 嗚呼高官重祿釀禍偷生萬  
姓爲之切齒吾不欲顯指其名惟公身死國婦死  
夫樹千百年忠節之風至今可並秋霜烈日奚屑  
與若等爭榮敬修牲帛馳祭佳城知不滅之忠魂  
當鑒我於冥冥

賦

國朝

青城宮賦

涂逢豫

臨淄定策興慶呈瑞除逆亂於宮闈靖妖氛於宇  
彗霧捲烟銷日華天翠五雲呈丹陛之輝九野沐  
流膏之被於是海宇再清泰階重構時邁常聞供  
頓輻輳臨東都而幸望春封泰山而禪社首醴泉  
好時飾大輅以追遊太白九峻迎車輿而左右過  
鳳泉與溫水仰薄刑給復之恩施蠶上宜與下邦

有興... 狩若夫車駕迴旋於澤潞官僚  
從祀於橫汾改飛龍之舊額名北都而重新實則  
開元之十有一年<sup>叶</sup>也於時幸太原駐六龍煥參  
井之星分覽佳氣之鬱葱乃置永豐之頓爰立青  
城之宮傲大明於禁苑象太極之崇隆較蓬萊而  
增麗擬瓊岳而攸同閒館崇臺環如列宿周廬徼  
道儼若千重內則紫殿清陰重軒昭曠雕玉爲楹  
削屏如嶂旣爛朗以舒光復杳窈而難狀珊瑚火  
齊錯落環連翠羽明珠紛披滉漾佳名是錫擬蜀

郡之仙山流水如年感晉祠之清漲當夫姚宋猶  
存曲江未老焚珍繡於庭前禁採珠於遠道賜醮  
聯湛露之歡減膳致桑林之禱魚龍曼衍未雜風  
塵舞馬鬪雞漸隨羽葆持盈戒滿名臣方慮夫倦  
勤喬岳翁河萬方猶頌夫熙皞未幾而驪山賜浴  
太液生波曲舞霓裳按笙歌於天上情深鈿合祝  
牛女於銀河勤政樓前早朝已廢華清宮裏春睡  
偏多昔嶺雲封無復金輿更駕離宮門鎖難望玉  
輦重過此曲奏連昌有叢竹風挑之感而聾吞江

呻吟之歌也無何而軋犖星凶漁陽烽  
轟數奇陽九運窮百六競絕天綱爭搖地軸九廟  
烟塵六飛奔蹙視昔日之次汾陰祠后土迴旌於  
鳳蔚之山駐蹕於象河之滸鳴麗闕之華鐘振龍  
樓之鼉鼓桂棟蘭房清歌妙舞無不同敗葉以飄  
風似驚沙而隨雨故宮遺塵網戶蛛縈馳道草長  
瓊墀菌生苔埋鈿砌月冷雕甍凄迷夜鐸激楚風  
箏乃知繁華哀艷升沉難測驅羸馬以遄征撫禾  
黍而太息尋馭娑而不見望明光而難卽惟有樵

夫牧豎謳吟而上下與夫青山白雲縹緲乎其側  
歌曰昔年宮殿化爲墟滿目山川劫燒餘不識月  
明南內教雨霖鈴曲待何如於時野鳥驚號斜陽  
如曙邨郭含烟楊花無數顧望長懷昔人何處流  
水杳然振衣而去

耐泉賦

高祖佑

維涪灘之上已兮將修禊於明川燦羣英之續紛  
兮與烟柳而綸連景鳳山之在望兮兀嶙峋而躡  
躡聞流水之潺湲兮乃縱觀乎耐泉循原田之阡

陌兮... 紆漸土膏之芳潤兮被卉木以  
扶蘇麥青青而呈翠兮溪活活以流酥尋潛源於  
垠塢兮披薄靄於山隅其爲狀也瀟瀟兮如霧縠  
之浮空津津兮如石乳之交融涓涓兮如鮫人之  
織素泠泠兮如林籟之隨風若夫白玉爲姿明鏡  
如對削根虛無泛香醞馥鑿幽境於百靈滌煩襟  
於一帶掬以手兮碎瓊瑤沁以齒兮餐沆瀣嵌竇  
玲瓏兮杳不知其所底潛虬蟠邃兮佻莫窺其所  
瀨百蟲斂迹兮莫汗其潔孤雲拂岫兮倒影其內

巖光昭朗兮若就浴於淪漣好鳥迴翔兮欲梳翎  
於澹澗若乃風雨倏其怒號兮山川黯其無色林  
木森其蔓藟兮潭淵慘其昏黑驚千壑之奔湍兮  
疑萬怪之惶惑神靈施其變態兮蛟龍移其窟宅  
若夫疎鐘欲曙殘月在天露華如水曉氣澄鮮妙  
蓮華而不染兮弄明珠之芳妍若飲酎之清醇兮  
俾韶顏之渥丹爾其澄泓滌洞靜宵冥濔協太陰  
而化液孕石脈而流精酌天漿於霞髓咽仙露於  
金莖無言起悟兮萬緣俱寂息心觀化兮百慮不

生者... 抱之不竭非空非色兮益之不盈  
彼徒覽於迹象兮僅堂坳之舟芥孰會同於冥漠  
兮識虛涵之性情亂曰嫩哉此泉甘且冽兮原素  
勝澮資宣洩兮及物雖細異井濶兮明瑩無滓長  
澄澈兮爲廉爲讓堪比列兮被濯澡淬我心悅兮  
太谷賦 並序  
三都賦序譏上林盧橘甘泉玉樹以爲生非其  
壤出非其所於辭易爲藻飾故山川城郭稽之  
地圖烏獸草木驗之方志風謡歌舞各附其俗

魁梧長者莫非其舊太冲蓋直以賦爲志者也  
課虛者易巧徵實者難工班固以爲古詩之流  
太冲以爲賦其所見各有當焉耳今年春邑人  
纂輯志乘余因得逐門校閱簿書之暇綜括其  
事而爲辭蓋亦歸諸詰訓之義其辭曰

有東南賓問於陽邑主人曰蓋聞唐冀虞并夏商  
纘籙維蒼姬之膺圖大桐封而展玉晉則處爰食  
采漢則馮魴建國越六朝以至隋迺改邑曰太谷  
說者謂太行之支條蓋千餘里而逶迤以相續也



分合  
明而沿置然而勝國中葉兵燹者三人民蕭條村  
郭罕完維我

國家深仁廣澤薄海內外載歌載絃茲邑之衆相與  
沐浴

聖化者百數十年而於今稱富庶焉吾子攬其風土有  
日矣盍爲賦之以著於篇主人曰唯唯邑之分星  
實維參井襟遼和而帶祁背徐榆以面沁其山則  
有鳳山嵯峨撐雲匿景矗宰堵之三峯建招提於

絕頂鼓兩翼以高翔儼鵬運乎南溟雪峯孤矗  
寒凝陰片石特立暑柯碣嶸界八賦而環大塔對  
恤張之遙岑白壁灰泉石馬藥伯陟松嶺與磨龕  
羌取徑乎奄谷八卦陰闔而陽開咸陽岡迴而路  
複其水則有城南烏馬象水秋波龍泉靈液乳溜  
陽阿瀦三池於山半比飲酎之醇和游士聞之而  
蠟屐詞人對之而興歌疆場之廣厥土上上芳隰  
綺交繡塍雲曠畚鍤旣興溝渠相望其城郭也崇  
墉巖業周以重門經始於建德之歲繼葺於景泰

之元  
櫓鴻軒西北登眺於夕景東南賓麗於陽曦凡以  
待

熙朝之管鍵浹衆心以盛民是以積潦無驚占異占  
離穰穰熙熙參得而咸宜也廨舍之設與城並昉  
溯後周而暨今制日闢而宏敞厥地維中厥塏則  
爽啟大觀而遐矚攬殷繁於指掌其中則街衢交  
錯衡宇駢連百貨所極列爲肆屢行者不得顧御  
者不得旋璣貝璀璨錦綺爛熳阜雍這豫屯幽集

燕吳越之所炫耀交益之所懋遷猗頓之所鬱蓄  
波斯之所未嫻以時而至充塞乎其間賔曰懋哉  
川融而山結泉甘而土肥觀郭隍之業業視堂宇  
之巍巍與夫閭閻居積之繁穰所聞於此者庶幾  
乎主人曰未也今夫見菘竹者知淇澳見版屋者  
識秦風繫茲土之所產紛黍麥其最豐稷稻則侯  
城之野菽粟惟厥土之同果美林檎龍門斯毓葡  
萄甘漿回馬之谷考逸事於羣芳特擅名乎秋菊  
茲蓋里人所艷稱三晉未能以比躅其木則榆柳

桑地其草則荻葦蒲藍薜荔苜蓿載飛  
載翔厥類逾百時有鸚鵡亦有屬玉獸則元兔秋  
肥白狼冬伏其餘惟所恒畜至於聲有高下氣有  
緩急風自上而移俗自下而習漢有經術之譽隋  
有循理之稱力勤者用自積土厚者氣自淳機杼  
軋軋燈火熒熒窮簷委巷書聲比鄰於是橫舍莘  
莘弄經皮史溯俎豆於千秋自崇凝而肇始考遺  
跡於萊陽世增飾以崇祀鳳山之建隆於前朝俄  
臯比之撤席迷舊址於蓬蒿纘嘉名而媿岳麓實  
前呂而後高焚膏繼晷懷鉛握槧之彥矻矻孜孜  
此焉不倦壁魚傳繪事之祥鳴鹿紛秋風之宴藻  
采葩流翕然風變祀典所著壇廟攸同或奉遵於  
春夏或薦醴於秋冬義式乎祭法儀定於秩宗有  
司以祈暘雨居人以下歲豐更有載毫選桐宰衡  
一德狐趙韓襄貞觀英鄂勗始莫詳君臣配食冕  
旒冠劍之鏘鏘偉容觀而崇法飾與夫紺宇琳宮  
輝煌金碧殆不能以紀極也古蹟則堤從伯鯨戍  
有成陽溝名趙簡道說王良免胄記箕城之戰遺

墟名 年卽龍泉之號青城在洛漢之  
鄉兼武村與疑靜並徵信於初唐吳塚傳疑馬陵  
襲誤毀粧沿妬女之祠種菜指英雄之處惟考片  
石於寒山錄之集古而可據然而人以地重地以  
人傳與繁稱於信美盍俯仰於名賢僧儔英英隸  
書特善辭長記室武捷沙苑探雨粟之遙源啟周  
文於釋奠前稱杜母後稱杜父巷諺衢謠政績斯  
著卓哉武君洊厯臺部廣漢翁歸曷足比數太邱  
清介德頌荆襄容駟方于埋輪擬綱天水岳立操

勵冰霜流愷悌乎千葉洵靡忍於循良刻篆雕文  
規行矩止名耀儒林篤行之子論核乎典墳辭協  
乎宮徵響欲和乎墳簾事無慚乎岵岵揚之則賈  
馬淵雲姜肱季偉之徒所不能擬者益不可殫紀  
若夫九熊畫荻截鬚磨笄竹帛載揚於盛典柏舟  
矢詠於風詩篇連牘累爲銘爲碑仰同高乎止水  
樹綽楔於通達斯尤一門之獨冠允躋巾幗於鬚  
眉且夫勲莫炳於旂常事莫危於鋒鏑慘莫深於  
橫草義莫烈於裹革孤忠留絕微之魂

九重之恤並執戈之注鎔亦軀捐而理得蓋惟

聲教覃敷平康正直故雖叢爾之一隅咸知自奮於  
簡冊也至若影纓曳組冠蓋蟬聯肩交轂集填閭  
溢閭隴畝蒸蒸家給而人足蹈德詠仁含哺鼓腹  
惟賓車之戾止固蔚然其在目主人言未及終賓  
避席而起曰盛哉蘭臺令所謂士食舊德之名氏  
農服先疇之吠畝商循族氏之所鬻工用高曾之  
規矩粲乎隱隱各得其所者斯之謂乎主人曰此  
其大略也稽舊典考新制搜前聞集逸事盡詳言  
之以著於志

詩

金

馬嶺

元好問

仙人臺高鶴飛度錦繡堂傾去無路人言馬嶺差  
可行此似黃榆猶坦步石門木落風颼颼僕夫衣  
單望南州阜落東南三百里鬢毛衰颯雨年秋

龍泉寺四首

舊志止載首尾二  
首今照集中全錄

元好問

懸麻白雨映昏崖過盡行雲晚照開可是登臨高  
興動馬蹄新自太行來

泉石煙霞自一家殘僧隨分了生涯雞鳴山下題  
詩客曾到靈巖不用誇

其三

河邊殺癩尙能飛無角無麟自一齊甲子紛紛更  
兒戲壁間休笑阜昌題

寺北齊時建又多劉豫  
阜昌中石刻并題名

其四

遼渠寒溜夜潺潺說有蛟龍在石間可惜九天霖  
雨手一泓泉水伴僧閒

甲寅九日遊龍泉寺僧額

求詩  
二首

元好問

遼水寒煙接戍樓黃花白酒浣羈愁霜林染出雲  
錦爛春色併歸風露秋鄉社歲時容容醉石牆名  
姓爲僧留登高舊說龍山好從此龍泉是勝遊

其二

柿葉殷紅松葉青黃花霜後獨鮮明西風浩浩欲  
吹帽石溜泠泠堪濯纓皇統貞元見題字良辰美  
景記昇平何人解得登臨意滅沒疎雲雁一聲

丙辰九月二十六日挈家遊

龍泉

元好問

風色  
添潤泉漱山根玉有聲庭樹老於臨濟寺霜林渾  
是漢家營明年此日知何處莫惜題詩記姓名

明

題大谷葡萄酒

高啟

西域幾年歸使隔漢宮遺種秋蕭瑟誰將馬乳壓  
瑤漿遠餉江南渴吟客赤霞流髓濃無聲初疑豹  
血淋銀罌吳都不數黃柑釀隋殿虛傳玉薤名聞  
道輪臺千里雪獵騎弓強凍皆折試唱羌歌勸一

觴  
瓊房夜半天回熱絕味今朝喜得嘗猶含風露  
萬珠香牀頭無能有五斗不將輕博涼州守

鳳凰山

謝肅

鳳凰不世出覽德乃游翔虞庭既來儀亦復來周  
岡云何太谷山而以名鳳凰山岑若翫翫佳氣凌  
蒼蒼一朝有靈鳥至自蓬萊鄉厥聲應律呂其羽  
爛文章雖無醴泉湧飲之甘且香豈乏梧桐生萃  
萃當朝陽一枝暫棲託含意在八荒奈何雞鷲羣  
聚嘯方捨攘高舉戾雲漢與世邈相忘



郭鑑

甲第何年建層雲起棟梁九苞垂羽翼萬里看翺  
翔軒近河山色簾開爐篆香時時冠蓋集愧我未  
登堂

其二

兩霽靈臺靜橫經對鳳山黛分千里色水繞幾村  
灣斐鼎銘夔契弦歌樂孔顏風塵羈吏事長嘯未  
能攀

武侯廟

薛瑄

南陽躬稼似天民感激元因枉顧頻初識樓桑親  
帝胄還如白水舊真人已從荆益開王業幾欲咸  
秦掃寇塵歷數雖窮遺廟在 大名常與歲時新

其二

乾坤不復有斯人間氣奇才絕等倫管樂規模難  
並駕伊周事業可相親紅旗幾出褒斜道綠野還  
耕渭水濱時去千年猶廟食英風凜凜漢忠臣

松嶺

楊濟

驂驢蹀躞踏春晴景物無邊慰客情一徑松陰穿

十里... 雙旌漫看紫翠吟偏好祇恐丹  
青畫不成未得投鞭少礧礧却慚身世絆浮名

葡萄酒

王翰

揉碎含霜黑水晶春波灑灑煖霞生甘漿細挹紅  
泉溜淺沫輕浮絳雪明金剪玉鈎新制法紫駝銀  
囊舊豪名客愁萬斛憑消遣一斗涼州換未平

寓太谷分司

周宣

秋來鄉思正如流何處悲笳復戍樓薄宦羈人堪  
自笑舊遊回首忽驚秋窮年遠道憐衰馬充屋

編慨汗牛我愛當年范夫子江湖廊廟一生憂

太谷行臺六月立秋

楊美益

肅氣從西至銀牀一葉飛柔金還隱耀老火未銷  
威振翻鷹思擊將雛燕欲歸奈何縈好爵人與老  
親違

秋日登鳳山

趙夢麟

太谷城南繞鳳臺蕭條秋色亦悲哉雲開恒霍參  
差見地坼河汾日夜回石壁莓苔丹嶂合沙村晴  
靄翠烟開秦兵趙壘俱銷歇今古關情無限哀

趙夢麟

寶塔千花舍利光  
原陵秋草鬪斜陽  
風傳萬壑聞清籟  
雲擁千峯護法堂  
孤磬數聲驚碧落  
幽花幾片浥天香  
山川矯首塵心遠  
漫說浮名在帝鄉

耐泉夜飲

趙夢麟

秋烟漠漠草菲菲  
滿徑黃花落未稀  
村酒偏宜狂客醉  
冥鴻故向逐臣飛  
盈盈月色侵苔砌  
淅淅泉聲繞翠微  
酩酊不知歸去路  
欲從漁父叩巖扉

同雲匡殿下遊鳳山

初旦

登覽歷青磴  
招提出上臺  
泉聲雲外度  
鴈影日邊來  
小憩梅花帳  
頻擎竹葉杯  
王孫豪興發  
薄暮未言回

同喬鶴阜登太谷城

楊正芳

黃雲斷處聳孤城  
拂曉登臨曙色清  
草木已銷秦歲月  
關山猶插漢罕旌  
何年元扈分金檢  
此地王喬奏玉笙  
四顧荒屯平楚靜  
材官羅列滿幽并

同白德隅王仁府

劉泰卿登鳳凰山空王閣

楊正芳

漫道空王駕鸚鵡  
此間却挾鳳凰飛  
峰迴寶塔蓮

花...珠光雨氣微說法還須開醉眼傳燈何  
必遂初衣三清媿我風塵色難得香臺散浪歸

登耐泉閣用韻

李 苒

梵宇雄開蘭若幽半天危磴倚璫樓山風裊裊聞  
天籟泉瀑潄潄赴壑流閣影未沈波底月松濤猶  
聽嶺頭秋寒巖極目憑欄處一嘯能令豁醉眸

井神山中

孫愛之

我愛山村裏幽居四五家柴門關白日石室鑲紅  
霞谷靜聞啼鳥林深見落花翛然有客至采葉旋

烹茶

遊隆道宮

陳 璧

學仙尋入玉茅山廣廈連雲縹緲間爲客醉眠門  
半掩堦前花落水潄潄

象水秋波

陳時道

露白沙明秋水清粼粼巧作珮環聲簞紋不假風  
中動琴調還從雨後生燕尾漫分寒澈石鴨頭淺  
漾碧凝泓臨流每劇觀瀾興一曲滄浪自濯纓

松嶺朝雲

陳時道

峰翠淡抹鮫綃薄靄紅出岫不隨風縹緲從龍常  
捧日矐矐須臾變幻渾無定化作甘霖濟域中

耐泉春水

陳時道

石窟甘泉湧玉漿流爲溪澗止爲塘落花暖漾胭  
脂潤斷荇晴浮翡翠光分派漑田多利澤汲源釀  
醴最清香鳳洲亭畔蓮池曲歲歲豪吟泛酒觴

再遊龍泉寺

趙體敬

再欲尋芳到已遲野塘猶自臥殘枝尊前幸有湯

花在飛去還來戀酒卮

憩鳳山寺

武璜

勝境開初地幽人足賞心崖邊蒼霧合嶺半白雲  
深樹色侵禪榻泉聲接梵音夜闌猶不寐清氣襲  
衣襟

國朝

弔殉難李氏十三貞媛

劉正宗

坤維蕩圻無與拄寇焰鴟張震輦鼓郡摧邑陷嘆  
化離紅顏紛紛隨賊伍浩氣獨鍾迴不羣太谷芳

由相勸匪相迫重泉相見骨同白內有二婢未書  
名載向彤編勵巾幗不見蹈海田橫客至今且傳  
數五百我欲長歌歌轉急晝日爲昏烈風襲投崖  
赴火差堪匹頑夫可起懦夫立寄言帶劍或垂紳  
莫把鬚眉讓婦人

前題

張端

舍生取義古難紀魯國裁傳二士耳獨有田橫五  
百人甘心同殉歌變徵天遣鬚眉事巾幗偏教

閣垂青史劍光逐地化長虹不在男兒在女子憶  
昔陰霾日月昏鬼弧夜射參狼死六朝粉黛弔青  
燐玉碎蘭焚泣蔓藟燕子驚飛別舊巢笙歌重按  
衣羅綺咄嗟烈婦何清剛獨向羣非爭一是海底  
塵飛淚迸枯手披蕭艾尋芳芷恨天不遣作男兒  
躍馬橫尸沙磧裏毅魄猶堪作鬼雄丹心直爲存  
真恥肯將蓮質墜污泥薄命朱顏長已矣姑率婦  
兮母喚兒妻攜妾兮妹從姊更訝鄒神亦知詩其  
賦靡他清瀾瀾竇氏投崖骨愈馨曹娥泣水魂偏

喜...人井化澄波血漬土花凝碧紫瓊玦聲低  
午月寒陰房火滅秋風起泉臺寂寂閉山邱夜壑  
潺潺咽荒壘婦死貞兮臣死忠人生大節應如此  
寄言諸壻及阿翁莫向殘枝哭舊蕊烈性豈知身  
後名於今握管空題詠招魂何處起湘靈明明于  
秋月在水

題慈節傳後

傅山

亂世死一婦歛霎真微末不死再脂粉幡然有難  
活智井待賢媛蝴蝶潔如脫書袋漫操觚丹青莽  
抄撮乃令面目假識者笑塗抹大官省繁縟餅師  
與故斃不爲渲雲鬢束帛聊髻髻傳神正阿堵豈  
復來疑喝所以有道碑中郎不媿汰文章有廉恥  
詞場亂可撥

甲午典晉閣與郝世翁共事二句撤棘過飲賦

此序別

程正揆

刻漏分銀燭連宵醉玉醪君心清止水客意火林  
皐夜雨羈人致籬花世外壽但須拚痛飲不必讀  
離騷

名宿文之伯風流令也仙民歌新雨露俗返古山  
川翻眼多成白微言盡入元脩然稱吏隱不用買  
山錢

其三

秋老行雲嬾情深旅况繁廿年通孔李十日飲平  
原白雪時驚座清風獨掃門主人高北海敢不罄  
巵尊

其四

氣自凌霄漢情猶入管絃癡腸尋舊約丰緒想當  
年此夕餘風月誰今重諾然鳳山應有夢爲寄彩  
雲邊

同鮑君正武萬祺登鳳凰山

絕頂

王秉乘

谷城南望蔚蒼蒼面郭山高起鳳凰百尺鍊飛鳴  
玉竇千尋盤曲繞羊腸中年濟勝勞何病宦裏探  
奇醉不妨纔到諸天窺色相風酣木脫遍身涼

其二

深秋山寺靜纖埃山頂浮圖客到開羊舌祠田皆



北... 自東迴雲留丹竈幽人計柳種花  
城令尹材遊覽一時多不厭同尋勝地共徘徊

遊耐泉

魏一鰲

鳳山之側側復山耐泉百道飛潺湲偶來兀坐松  
根石山光潭影共閒閒高閣倚雲雲倚閣一泓甘  
冽隨心酌綠繞青排野鳥啼盡是幽人羽士之邱  
壑丹竈荒涼半掩扉古洞烟迷鎖翠微山石青青  
寂無語巖空洞水唾珠璣萬樹參差銜日暮牛羊  
點點下山去一聲長嘯振林臯仰天明月娟娟吐

春日遊鳳山

吳琦起

爲謬民隱借春遊父老懽呼夾道周天語薰吹紅  
日近臣心清向碧泉流花因微雪頻添額烏帶輕  
風略囁喉蒼翠滴來衣欲染鳳山佳氣已全收

九日登奎光樓

韓宗文

三秋清霽瑩如水况復樓高接遠空人在蕭蕭秋  
色裏樓當晶晶鏡光中山邀返照偏疑紫楓染繁  
霜更著紅好境不甘無酒度借人杯半嘯西風

登耐泉山

吳璵

秋風  
通郡邑蒼茫裏桑榆指點中崖頭一勺酒誰復問  
恒嵩

遊磨龕寺

孫雲襄

沿澗尋蕭寺琤琤踏石行嶺雲烟滉漾林鳥語嚶  
鳴一塢一山色無溪無水聲天空澹白日心眼與  
俱清

鳳山春色

胡衍虞

春醒寒山睡朝嵐接遠天翠含初霽雨青染未浮  
烟花氣風中落鐘聲雲外懸攜尊來一嘯人在畫  
圖邊

遊耐泉

胡衍虞

一簇谿山人望嘉曉烟深護道人家參差樓閣連  
雲聳斷續流泉引徑斜酒薦碧荷初展葉詩題幽  
澗爲名花尋奇盡日餘遊興臥聽松聲送晚霞

夜坐磨龕山寺

龐世淳

半嶺橫孤寺穿雲度碧岑古松風作語清磬夜傳  
音有鳥皆聞法無僧不證心塵懷欣共寂何必海

中琴

耐泉道中憶舊

龐世淳

記得春遊日盤輿此共行鶯花殘客句雞黍野人  
情敢以文章重差憐氣味清十年重覽勝懷舊獨  
吞聲

別太谷百姓耆庶

呂崇謚

四年作令竟如何回首秋風餘恨多長葛碑螭空  
夢想晉陽保障嘆蹉跎荒烟依舊霾松嶺湯澤那  
堪對象河謝爾攀轅諸父老

余抱病具詳諸紳士  
百姓懇留余着人開

論乃  
已 白雲深處是松蘿

其二

跨看雲鶴入遙空白塔亭亭望眼中鹿洞書聲須

杏雨雉城樓角動秋風

書院初成尙未開帳修城  
典工尙未告竣此二件乃

余不了心  
事故云

鼠牙穿處網鉗設犁脚深時黍稌豐

勤民息  
訟務農

守分好迎新父母鐵船一去各西東

別紳士

呂崇謚

太行之谷原膺膺其俗敦龐士氣備自我籍符多  
惠好與君判袂費踟躕五賢欣接駒堪繁二異羞

聞鐘聲  
只此一聲南浦曲鳳凰山上月輪孤

別諸生

呂崇謚

道義相交閱四年刻舟苦海案頭牽方期菊酒賡  
同調忽漫秋風是別筵事業須憑經學出文章總  
藉性靈傳離亭一語揮鞭去無限情思寄暮烟

象水秋波

孟京品

木落西風古渡頭蕭蕭景物望中收數行旅雁依  
寒渚一派清光接素秋衰柳叢邊迷客望蒼葭深  
處起漁謳暫來沽酒黃花醉倒影遙看月上鉤

奎光樓

孟攀雲

奎樓高聳鳳城巔四面光涵碧落烟直接青霄凌  
策府遙瞻紫極燦星躔牕虛平挹三山翠壚篆斜  
浮萬里天更繞雕欄雲五色彩聯文苑筆花鮮

春日鳳山道中

侯帝愷

花溪明媚柳溪斜不  
予山中景更嘉萬頃松雲遮  
鳥道四圍嵐翠繞人家水穿巖脚泉能語苔長峰  
腰石作花長嘯一聲千壑應林西驚起半天霞

鳳山歌

涂達豫

餘祗條見蒼崖生羽翮造物靈氣何鬱葱茲山獨  
秀羣山中景風欲起誰啣噉白雲舒卷青梧桐我  
來正值清明後碧柳紅英競紛糅躡蹻獨出縹緲  
間馬嶺松峯皆俯首少年屐齒常不疎窮幽陟險  
尋奧區何當凌風躡巔際嘯聲直上三浮圖年老  
苦無濟勝具惟看一帶嵐模糊搗琴高臥長松下  
林間好鳥鳴提壺逝將重來挹新翠秋深夜宿龍  
泉寺泠泠石籟聽鳴岡幽磬一聲山月醉

咸陽

涂逢豫

鳴笳鼓角戍樓荒白草黃榆古戰場千里山河雄  
趙壁不關秦地有咸陽

九日登大觀樓

姚孔碩

九日并州客登樓此縱觀亂山明夕照低鳥入危  
闌地接龍岡迴波流象水寒與誰同作賦收景集  
毫端

其二

四面臨軒敞依空勢欲騰沙昏深似海簷然冷於

冰落日  
難憑

其三

對酒南山近黃花照眼明晴光飛草地空響作秋  
聲人語山城暮霜鐘古寺清悠悠望汾水簫鼓不  
勝情

其四

鈴鐸傳空語金風動客愁微雲下陽邑落葉滿并  
州雁唳南天迴人吟北塞秋蹉跎驚好節祇益夢

刀頭

遊耐泉

姚孔碩

款段乘來鳳嶺行一林疎雨放新晴秋生聖母池  
邊路落盡殘荷聞水聲

其二

尋幽直上小禪菴遠屋清流路舊語臥看山椒落  
秋雁送人離思入江南

其三

夕陽殘掛映山青十里人歸酒半醒回首一羣鷗

鷺鷥吹月上孤亭

鳳洲亭

武一范

鳳亭高望翠光浮勝蹟堪齊百尺樓兩岸青山環  
紺壁一池碧水映丹邨逢花選句香生袂浥露添  
醪液滿甌醉靚新荷歌一曲何須方外覓瀛洲

鼓樓

孟熙

岑樓鼙鼓戒嚴更聳鎮中央俯雉城北闕仰臨珠  
斗近南山低挹畫欄平沙洲擁抱千家小象谷回  
環一帶明參井直能通冊府星躔拱衛護神京

鳳山春色

孟潛

三山眞鳳立五色幻春歸竹實垂丹穴桐花綴翠  
微每從韶景至常仰彩苞飛准擬翔千仞卷阿覽  
德輝

象水秋波

孟潛

象水涵清瀨微波動素秋迴紋澄陣雁淺浪戲沙  
鷗蘭芷多侵岸蒹葭欲溯流斷橋餘夕照何處覓  
漁舟

宿龍泉寺

武先慎

爽氣  
前風靜鐘疎後山空鳥寂然川流徹晝夜聲在石  
橋邊

癸丑仲夏偕廣文崔靜軒主簿吳友梅遊耐泉

山作

姚興禮

行行復行行仰面得真觀一徑入雲深勝絕無出  
右清池湧清泉烹茶如飲酎橫塘一帶幽水面魚  
紋皺中有數頃田秔稻苗而秀古柳臥長堤新蒲  
插井甃萬樹綠參天疎枝露奇岫隱隱鐘磬聲梵

宇飛靈鷲山徑杳而深山勢往而復攀蘿陟層巔  
削峴懸襟袖迤邐獅象奔盤紆鯨鯢鬪龍岡拱北  
辰鳳嶺塞斗宿并州一望賒良苗滋暢茂茆簷十  
萬家濃綠叢古埃天地爲園林山河悉籠圍道子  
軒然來粉本天機逗

吳公景  
工山水

崔顥愛題詩筆底龍

蛇走我本龍山人入山如語舊坐臥愜終朝風涼  
煩襟透綠溪緩步歸灑灑泉聲溜回首石嶙峋米

顥漏透瘦

春日遊鳳山龍泉寺

姚興禮



太行之巖巖然屹立盤卷阿蜿蜒直下數  
百里鬱爲鳳凰爭逶迤神斤鬼斧鑿地脈禹迹不  
到窮搜羅就中龍泉寺尤勝重巒疊嶂紛嵯峨凌  
空飛觀插天半琳宮梵宇聲相和通幽曲徑萬籟  
寂枯僧兀坐參娑度高樓四面挹空翠軒櫺八達  
春光洩怪石罅穴大如掌林木深菁雜澗蕩飛泉  
濺濺石齒齒掬手嗽流醒愁魔攀蘿附木上絕頂  
春山無數修青螺

鳳山春色

郭晉

茲山勢將飛殿宇壓其上春風一吹之新綠忽以  
放我來三年久抗塵惟俗狀已拚稚圭移遑作靈  
運訪今晨值行役烟雲豁相餉浩如千仞翔秀色  
攬駘岩乳溜想桐垂依稀在屏嶂絕頂倘可登蠟  
屐會幾緬

象水秋波

郭晉

秋色淨平野長天惟一色蒼蒼葭蕩寒我行日云  
夕肩輿度清淺八賦溯泉脈憶昨望霖初襟帶此  
不隔蓄洩會有方愧乏鄭白策安得迴長波龍象

之以沉璧  
禾黍四野無磽壻醜酒及秋成侑

龍岡烟雨

郭晉

蜿蜒東南來鱗甲如欲起看到點睛時乃在烟雨  
裏縈青一線盤曳練千重駛連村走牧樵頃刻迷  
尺咫燕脯何人燒雲夢吞未已我讀徑山詩籃輿  
夢蘇子萬壑笙鐘酣之而想如此始識昌黎言憑  
依自爲耳

馬陵積雪

郭晉

于役幾清涼曾見太古雪茲山松檜陰髣髴入高  
潔揮鞭六月道馬蹄不知熱崩崩層雲間屢屢鉅  
關設封巖彼何人恐是幽人穴冰霜耐久寒庶幾  
比高節傳疑斯太奇臚涓供遺說一笑語詩人地  
志應重閱

古城芳草

郭晉

訪古半頽垣天涯盡芳草驅車忽過之人言此間  
好嫩綠乍成茵孤城尙餘堡王孫歸不歸霸圖湖  
遺老千載托根榮厥澤疑未掃可能方黍苗聊亦

青人去早  
有恒事遠誰能考落日在高原路

吳塚斜陽

郭 晉

古塚鬱嗟峨何人此埋骨馬鬣尙崇封龜趺已無  
碣髣髴共稱吳疑似闕幽窟我聞故老言牧豎此  
棲歆家人怪晚歸尋踪趁新月豈料夕陽紅未隱  
天一髮噫嘻復誰覩毋乃涉恍惚不見鄉里兒夜  
夢常咄咄

松嶺晴嵐

郭 晉

孤雲獨無依陶公昔所歎松盡雲亦飛斯理同聚  
散虬枝竟若何訪舊迹已泯惟餘巖際嵐終古此  
霄漢清光上翠微落日在遠岸斧斤日相尋景物  
忽以換山容自太初陰晴閱宵旦設設磨龕風依  
然到山半

耐泉春水

郭 晉

漢史紀河渠遂人法以續我來問水利涓流此其  
獨邑土競淹雅漫說春波綠綠淨夫何爲稱名及  
醞酥胡不溥厥流穰穰盡成熟春風綠碧池鳧鶩

惟豁游目

磨龕雲樹

郭晉

探幽入奄谷鷺嶺若在眼龕原彌勒同樹是祇林  
崖色相片雲窺虛堂自縈縮溶溶練影垂青青露  
光潛膜拜走游人循厓轆車棧昔聞松嶺名攬勝  
虛竹簡懷遠漫江涓豁目快巉巉春風坡谷行可  
以參玉版

雪峯夕照

郭晉

晴雪在巖樹千仞渾一玉蒼茫日已斜  
暝意入山麓咄哉冰雪叢片石見孤蟲  
掃頂疑山靈探奇到樵牧云從太古來  
沍陰茲未伏我聞泉水温近在驪山足  
礮石與丹砂將毋此間蓄迴看夕照紅  
我僕正寒栗

古城芳草

孟生蕙

處父遺封在名城芳草存幾回  
諱維堞一徑入花村麥浪添新綠  
苔衣茁舊痕年年遊屐誰解憶  
王孫

孟生蕙

夕照留吳塚傳聞歷歲年何人封馬鬣此地見牛  
眠林薄搖紅葉山光射紫烟豐碑餘烏篆雁字落  
霞天

酌泉春水

孟生蕙

一帶明流琥珀光坐來如到酒泉旁何人欲擬修  
遊記此地端應號醉鄉碧引荷筒宜避暑香浮蘭  
渚好流觴安能爾似秋江水化作芳醪萬里長

象水秋波

孟生蕙

澹沲長天接素秋源從象峪瀉清流曉風隔岸飄  
紅葉夜月驚寒起白鷗柳外僧歸看畧約蘆中歌  
發想扁舟中央可有伊人在煙水微茫試一求

鳳山春色

孫廷蕙

儀鳳何年至翩然化石形每當春雨霽彌覺曉峰  
青柳影迷孤寺煙光覆短亭天然多秀色鄭重此

山靈

象水秋波

孫廷蕙

八賦傳高嶺流成象谷河三秋澄霽景一夕鴻寒

波瀾浩渺石齒幾阿誰眠釣艇清興寄  
煙蓑

龍岡煙雨

孫廷夔

可是南陽勝高岡亦號龍風雷歎大壑煙雨起神  
蹤蒼莽諸邨合溟濛萬木封地靈能沛澤欣慰徧  
三農

馬陵積雪

孫廷夔

豁達關門迴傳疑號馬陵遙天橫一髮素雪積千  
層陰磴春無草深巖夏有冰孫龐遺事久弔古總

難憑

奎星樓

孟生草

高樓鬱律壓龍岡遙接奎躔萬丈光壁府東連方  
列巽參墟西映野分唐英靈終古懷蘇軾書契當  
年憶始皇好與科名徵盛事年年祿籍贊文昌

磨龕雲樹

郝依京

崔嵬遙指梵王宮路入山腰一徑通樹色迴連青  
嶂外磬聲高隱白雲中僧歸屐齒穿猶濕鳥語簷  
牙翠乍融渭北江東佳句在登臨懷遠故應同

貴州提督牛  
毅節功臣傳  
孫廷益

君不見亞夫間道伐吳者  
藍田雒陽馳神馬又不  
見君麻奇計破世充  
隱擊程道沉艤鱸牛公節士  
鄜城族胸橫六韜陰符熟  
生平受命亦忘身攻堅  
克敵符前躅川賊跳梁鐵  
戟張梯山偵得蒲松岡  
駭龍夭矯從天下蟲沙兔  
脫狐狸藏卷甲大驅木  
耳寨雲霧四塞天昏黃  
斑爛電掣奮虎翼乃得進  
取南山梁碣穴膊卡穿日  
耳羣賊叫號呼庚癸敢  
死土前破木蘭望風納款  
隳孤壘宵陰夜雪身獨

先伐山開道忘顛連控喀  
變聞木果木慷慨赴敵  
麾兵前北面再拜旌旗  
揭躍馬橫戈風烈烈霜鋒  
落眼白羽飛英雄到此肝  
腸裂

聖明天子重功臣圖列紫  
光墓表碣嗣續賚卹摛鴻  
文千

載名標牛毅節

雪峰山一

孫廷益

玉樓銀海峭生寒疑是  
幾眉頂上看片石息雲涵

古翠

山頂有石巖冬大雪中此石獨不積名曰雪峰石

夕陽拖凍吐遙丹

清涼境好僧參偈蹴踏  
聲停客駐鞍擬向山靈拈

除... 應難

石雙節詩

節畧載雙節傳

武先振

冰操豈但列懷清  
畫荻灰殘淚共傾  
兩世鸞分悲  
隻影重階蘭折  
喪雙明何堪  
有後成虛望  
畢竟無  
兒恨再生猶喜  
宗祧綿一綫  
書聲長此伴  
機聲

校張公牛公陳公三忠事畧

孟士奇

菖竹菖竹青鋒簇  
簇不羨月下影  
篩金不羨風前  
聲  
戛玉但羨勁節  
古今傳後彫  
可列歲寒族  
念昔  
修幹正凌雲  
陽曦幻出陰  
霾局煙塵擾攘  
蔽湘江

荆棘縱橫縈嶰谷  
戈矛難自報  
平安魂化八公山

草木幸留犢角成  
琅玕

張公子爾清  
牛公子敬憲

錦綳或見龍

孫育

陳公孫  
德文

况復

天垂雨露深

俱磨  
襲

新枝何減舊枝綠  
庾嶺梅陶籬菊  
遜

此英名青簡錄  
恨無渭濱千畝在  
胸中漫倩管城

歌一曲

讀牛毅節功臣傳

符廷璋

金川三載妖星動  
雪嶺千盤橫  
梁過日霜風  
隨  
鐵騎天昏雨血  
灑  
瑯戈青編此際  
名  
自骨當



年... 將軍征戰地於今官吏已催科

送邑侯陳公丁內艱歸里

孟毓勳

北風號長空寒山霏遠霧日色冷清陂零落歲將  
暮千重萬重雲長亭短亭樹灞陵李白詞南浦江  
淹賦今古情則同脈脈真難訴與君塵外緣傾我  
心中慕憶君下車始聲稱載道路操守擬前哲經  
濟達時務明決非恃才質直非守固常懷一葉清  
不受一錢賂范甯立學校規矩勵行步菁莪拔其  
尤胥吏去其蠹聽訟公生明虛堂鏡光露一判不

復移與民同好惡良疇既戴恩頑慝亦畏怖苦口  
陳藥石鍼砭起沈痼慙慙復慙慙不憚再三諭百  
里嘉化行日新而革故君真康濟才撫字有其具  
幼時讀父書出語驚穎悟弱冠凌秋颺霜蹄蹕驥  
擐壯歲趨鯉庭關山勞騁驚先澤江湖間萍鄉溥  
甘澍公尊甫為江  
西贛縣宰至今南康民棠陰勤守護清白  
吏子孫如公信非誤便當宜大猷艱鉅憑委付經  
綸快所施游刃自餘裕適作棗陽令頗怪功名忤  
吳靖十年勤腹笥森武庫斑髮已垂白不得綴鴉

施措絃揮冀北琴彩散滇南婺地角共天涯茫茫  
不可溯永懷鵠羽悲莫遂烏私哺天地豈無心愁  
煙起桂桓纔還合浦珠又困涸轍鮒吾民亦何知  
攀轅乞少駐歎息動父老涕泣感童孺陸公像可  
圖范公金可鑄留君苦無術夢君屢驚寤君今旣  
行矣繼絳情交互一唱陽關曲再唱銷魂句眠食  
尙慎旃行李彌清苦全椒遮道民撫膺向天籲盤  
飮爭餽遺壺漿樂委輸徐公三字訓勝於脫鞵屨

何年竹馬迎重沐恩膏霑聊作五袴吟以當一杯  
醕瓊語寶君聽君其毋厭數

送前任陳公起復赴選路經太

谷

武椿年

文章政績兩風流鳧鳥飛來憶故遊御李曾經容  
一面瞻韓忽又隔三秋人呼生佛絲堪繡手植甘  
棠蔭尙留父老攀轅爭問訊可能還我舊賢侯  
按太谷藝文元以前闕無存者令人殊有望古造  
集之感近於城東購得唐上元開元時墓誌三通  
乃陽邑朝陽村民坎地所得者亟錄冠於碑銘之

首... 焉曹大清開河碑記王志所載  
與高郭不同其文體頗峻潔通峭惜於當時事實  
未詳故置前而錄後至卷中編列古今體詩決擇  
甚嚴較郭志已汰十之五六志乘異於總集宜約  
取不宜博收懼濫也遺山青邱才名絕代其文字  
歷年數百光景常新馬嶺龍泉寺葡萄酒諸作前  
人錄爲壓卷允矣

太谷縣志卷末

志餘

周晉文公使箕鄭爲箕韋昭國語解曰爲箕大夫

見晉

語

北齊白建與太原唐邕俱以典執兵馬致位卿相時  
人語云并州赫赫唐與白 齊自神武作相丞相府  
外兵騎兵曹分掌兵馬及受禪諸司咸歸尙書惟此  
二曹不廢令建邕主之謂之外兵省騎兵省後二人  
位望轉隆各置省主令中書舍人分判二省事故世

稱唐白

隋改陽邑曰太谷後爲骨打都

見通志

唐淨信寺殘碑

在縣東陽邑村碑四面皆有字率漫漶不可讀今錄碑面之稍可辨識者

之舊續詩以道志書以道事禮以道行樂以道和

第一

行以名分同我鄒魯之士縉紳先生而能明之也但

齊物順時

第二行

良能滿聽珠玉可談卽姑臧李銳爲

丞隴西李擢爲主

第三行

陽張璠之河南獨孤隴西

牛庭玉長安杜鄰爲尉推

第四行

月登崑山而聚玉俯

麗水而齊金吞鳥之才譽流東海

第五行

京而共潔臺

冰同澄清渭卽此功德圓滿者賴吾宰君

第六行

福而

成就焉人以悅來工以妙盡卽此陽邑古城陽字

第七行

行陽處父望在北平食邑此城因以字之從卍人姓

楊字

第八行

關西孔子楊振之允望在華陰故以字之

從木焉城望北平人

第九行

郭雖是人俗已非黃花一

門朱輪十乘邑居之里嗣我宗祧

第十行

猷如故視其

所以觀其所由察其所安人也遠之存其逸

第十一行

煩使之有其能卒問之有其智急與之則有其信委

之以

第十二行

之以危右其節醉之以酒存其則雜其處

太谷縣志

卷末 志餘

而試其... 第十人之舉其詞曰第十自古

昌國莫之我唐自古聖帝莫之第十我皇齊天之覆第五

同日之光其如來天子帝國通化八第十此伽藍時第六

移代久雁塔一心循構第十春城第八

後唐李嗣昭妻楊氏善蓄財平生居積行販至貲百

萬梁園夾城彌年軍用乏絕楊氏之積蓋有助焉及

子繼韜叛附梁梁亡乃齎銀數十萬兩至洛京厚賂

宦官伶人皆為言繼韜初無惡意楊夫人亦以賂謁

劉皇后又言嗣昭功臣宜蒙恩貸由是莊宗釋繼韜

晚存一子繼忠家於晉陽楊氏所積餘貲猶鉅萬晉

高祖起兵太原契丹求賂貸於繼忠以取足高祖甚

德之以為忻棣單三州刺史楊氏平生積產嗣昭父

子三人賴之見五代史

元另本曹太清開河碑記見乾隆己未王志與通志及高郵志所載俱不同

水之生天也水之生而利焉害焉利而害害而復利

焉非天也在用天者何如耳谷邑之南山奄谷而入

不一里泓然一池曰蒲池者水之喉也水不產於地

歷眾澗而下至於池而咽焉故曰喉也及其吐乎池

而道... 洋洋乎其河之矣近河而田者  
曰惠安村上游也渠水而役乎田十得其八焉曰王  
惠莊下流也渠水而役乎田十得其二焉遵舊例也  
自是而下爲田也愈遠則得水也愈遲雖例無有定  
而要莫不仰河伯爲歲功矣此其爲利不亦宏且遠  
哉迨其後以水勢之不常而渠壅渠壅而河之水河  
不足以受之也遂橫流而西而西之爲田者病矣西  
折而北而北之城若池亦病矣是向之農氓野老所  
爲倚錫而望其一至者今且聞聲而憂其爲魚矣噫

猶是水也而始而利焉繼而害焉是果水之咎與亦  
用之者未得其人也邑宰劉公獻康之裔也撫是邑  
纔二載百廢俱舉有以河之患爲告者公慨然念之  
而樞府適下興修水利之檄於是躬歷山谷與疇人  
父老謀而泉流原隰令工畫者圖其跡覆省院而後  
興役焉水之壅者利用疏通之而惠安諸渠可爲沃  
壤矣水之潰者利用塞塞之而谷邑城垣可爲金隄  
矣我公孜孜矻矻日不遑食經始於上巳之辰時未  
浹旬而工已告竣變其所爲害復其所爲利非善於

績蓋亦有足多焉邑之耆宿以公愛民之切憂民之深而德不可以忘也索予一言以志之予爲覩縷其辭而鏡諸石

重修太谷縣學鼎建魁星樓記殘碑

在儒學內每行末字多漫滅

賜進士第刑部廣東清吏司主事郡人鶴浦王元雅撰賜進士第戶部雲南清吏司主事郡人省愚王宗賢篆賜進士第中書科中書舍人郡人心白李成名書原夫頽宮替宗三代勅其宏模壁水環林兩京恢

其茂業禮樂文章之教炳蔚古今家塾黨庠之勛橫塞天地故闕治世之大猶設教育才親民之上務也

夫太谷於禹貢則壤隸冀州在虞封則附庸唐國山川爭其靈秀產闕皇祖宣九州而播九德撫五辰而

貞五教廣置學宮宏收儒効洋洋絃誦之國煌煌冠蓋之都矣惟是文物草昧闕隆頽圮苔點宮牆人傑

寂寥路阻霄漢豈非運值變通之會天示更新之機哉甲辰歲邑令牛侯來闕化勤思乎革故鼎新於是

審度日力捐取工費陳圭以測景鳩師而度材規天

而且瑩以玉琇飾以金英皓璧侷乎月照彤牆燦矣  
霞蒸綠藻高生於飛棟闕妥神講學之所光明燦熠  
藏經習禮之地文彩璘璠加以魁樓傑峙號舍星羅  
鳳山雁塔列景週圍耐泉闕春風振鐸響窮紅杏之  
林秋雨挑燈暖布青瑣之座真覃曠古以希有邈超  
世而首出者乎夫魯頌聿興闕啟王虞陳其辭維茲  
殖殖噲噲之營實非師師濟濟之美將勒龜趺可乏  
鴻章顧起敝維風非異人闕由牛侯者秦邦雅望商

於勝流擷芳葩於經苑綻麗萼於文園才高無敵一

洗而凡馬空政妙有神四顧而闕人歌白雪幽蘭彭

澤尊前吏飲清冰苦蘗挹德風之遐播草木知多瞻

郎宿之高輝山川生色加以闕儒碩青衿望驥足以

雲蒸汲引幽人白屋穎龍門而霧合可謂教化偕治

功雙美謳歌等訟獄齊清者闕升堂入室之有人見

禮樂而知德政欽學道愛人之在是况僊舟自託喜

瞻天上之飛鳧而廣廈既成闕使千秋洪業沈淪於

史冊一時勝事湮沒於金石哉斯役也經始於丙午



之仲夏... 秦之商州人也是爲記  
萬曆三十五年歲在丁未孟冬吉日

袁枚記曹州守吳公逸事

曹州劉姓以典當爲業虞城張某爲經理其事已二載矣少有蓄積歲暮欲歸主人留至元旦乘一青騾去相訂上元日返曹州及期不至劉因遣人促之來至其家則云未嘗歸也兩家致訟控至撫按勒限飭縣捕緝延至六月矣公差皆惶遽無措一夕訪於城南見一老人偕一年少相謂曰月色甚佳何不向涼

亭一行曹州城南外數里舊有涼亭公差私議看月何事不遠數里而行且此時往將何時入城也心異之遂先至彼相伺未幾二人果至聽所言皆鄰里間瑣事有頃少年忽云城內劉姓事至今未明余心竊計乃西門外賣餅孫姓利其財物因而害之也翁問故少年云餅店在此已數載今春倏閉是以疑之翁叱云此事大有干係何得妄語意甚拂然旋云夜深可歸矣差尾其後行甚速至南城門已閉見二人從門隙入差亟呼司閤啟鑰入城則兩人尙在前行至

小衙心... 別天門門亦未啟也復隨翁行二十  
餘家亦未啟扉而入差大驚扣其戶半晌翁出持紙  
擦披衣極困憊之狀差曰適間與少年涼亭看月何  
遠睡耶翁神色遲疑曰看月有之乃夢中事也差復  
脅之往詣少年少年出亦如翁狀乃拘入縣署述夢  
中語次早遣二人至某村跡孫姓所居則青驪宛繫  
門首也因鎖拏到縣一訊而服遂起贓問抵償焉此  
乾隆乙巳夏吳忠誥初任曹州接辦之案半載不獲  
公莅事若有鬼神通之僉謂精誠所致云

郭尚先記宮保温公逸事

嘉慶二十四年公任山東按察以巡撫某公密參不  
甘居人下禡職代任者復劾其結審有不允成伊犁  
墓志所稱緣事云云者也而泰安徐文誥獄至今頌  
神明不衰徐文誥山東泰安富人傭柏永柱拳捷善  
流星劫盜驚其名王大壯王二壯者盜魁也二壯濶  
跡俳優人莫之識一日至歷城糾楊進忠邢進朝邢  
泰等十一人劫文誥先竊章邱某氏火槍藥具大壯  
喜曰得此柏永柱雖在彼可無畏矣夜至文誥所奪

柵門永柱... 大呼曰我柏永柱來也橫身  
使流星上不辨盜所在大壯二壯分立夾道開火各  
傷其一面永柱仆餘黨偵知文誥弟文顯妻奩豐直  
前椎其門門堅以石投廳破數櫺聞婦人言曰勿爾  
驚殺吾兒當自啟也方是時文誥兄弟待母後樓聞  
盜各持火鎗下放數十響及柵門火光中見人僵不  
知爲永柱也盜去燭死者文誥大驚自疑誤殺永柱  
矣此嘉慶二十一年前六月三十夜事也翼日縣令  
某來以鎗痕向外失盜門完好詰報牒衣裙文誥不

悉娣奩物疑假盜殺人文誥無以自解也將白金三  
千兩餽令令疑益堅却之將收文誥文誥逃歸適歷  
城捕役獲夥盜二進忠在焉自首與大壯二壯等劫  
文誥文誥聞之馳省控令諱盜時某公爲按察檄長  
清令會勘進忠等指出入狀甚悉令終以所疑申某  
公是之及聞却賄事遂定計嚴勘文誥矣案下濟南  
守希意誣服讞文誥依家長殺雇工律擬徒進忠等  
歸他案結及奉部駁遂以火器傷人律擬故殺當文  
誥故殺論斬文顯傷家破而兄無辜也懇都下

嚴旨...盜...民狀下其案山東於是某公以  
粵藩去而公爲按察公知東省盜風之熾也密訪會  
任州牧之東平人王奎聚三世窩盜檄歷城令往捕  
以招遠魏令權歷城魏核隸籍見邢學孔名疑與進  
朝泰同族密詢之許其重賞五日縛進朝以來供如  
進忠且言泰曾貸伊錢至章邱欲得泰所分贓女衣  
償負泰不與斃之魏檢章邱司牒果有報驗無名男  
子年貌時日符移提庫存女衣皆文誥牒中物公始  
信此案確而恨盜魁未獲也問官恇懼乃以賄買流

言於外又稱永柱妻美文誥圖爲妾假盜殺有狀牒  
到永柱妻麻面齟齬無人形問官語塞久之公募捕  
役張鵬等三人出關至吉林獲大壯二壯至將軍署  
請批入關鵬密投公牒將軍大驚曰若等三人走數  
千里而獲二盜非溫公賞罰嚴明何以及此因親鞫  
之大壯吐實乃械以來而某公任山東巡撫大壯等  
旣到言三十夜事歷歷不諱文誥乃知非已殺永柱  
疑盡釋公固不意疑文誥者之終不欲釋也讞上某  
公面詰大壯等風使翻異大壯等諱曰強盜死溼矣

又破徐... 官囊好男子不願以殘生爲人  
發財也某公默然然猶再駁而公再詳越數月公落  
職公之行也別藩司岳公曰徐某案得平反者陵令  
趙毓駒之力多我去毓駒危矣渠母八十不可使萬  
里行以屬子岳公曰我尙不可知雖然敢不聞命公  
去不旋踵遂戍新疆某公以公外遣也決意坐文誥  
然數四委讞卒如公斷最後讞者先當鵬誣良律一  
日文誥候鞫階下有盜犯過其前曰若非徐某乎文  
誥曰諾盜舉鍊鎖搥文誥頭流血曰爲若故奪我山  
東數十年未有之好按察畜生尙有面目見人耶讞  
者慙沮趨入盜本他犯卽公所捕繫者也旣而有星  
使帶徐文誥馳驛赴東之

旨某公憂迫無措乃就公讞略加刪匿以代任者名  
奏上三日使者來梟大壯等釋文誥歸業令論遣餘  
如奏議蓋文誥以逃出得自訟云

明萬曆二十三年正月二十五日俗號填倉節城西  
居民張燈放煙火男婦出門聚觀及入城至門前後  
擁擠自相蹂踐立而僵仆而斃者不可勝數各街巷

然炬齊見王

國朝順治元年五月闖寇破城先是二月初九日賊陷省城僞令周士達到任至五月十三日自京敗歸賊兵三百餘薄城下士達閉門不納賊兵漸益無數十五日攻破東北角殺死士民二萬七千餘見王六年姜瓖叛大同賊兵至晉祠守道材官顧二等投賊四月二十六日詐開城門擄羅知縣委賊官李承培到縣至五月十九日賊敗晉祠承培夜逃撫院委按察司照磨楊其籍署縣事命原任教諭賈道醇協

理六月十七日出登奎等復勾李賊官領賊百餘入

城楊照磨賈教諭並典史王自亮俱遇害見王

志

康熙元年縣南門內民要根因驢駒溺廁中躍入撈救卽目閉口噤癡迷垂斃四人相繼下救其狀如根須與三人斃惟一人獲甦云方下廁時見飲食歌舞狀遂昏不知所以時共驚異見王龐世淳有代邑侯王公祭廁鬼文云闖寇破城時男女死此廁者數十人後逢陰雨徃徃爲祟官率紳士祭之乃已

乾隆二十一年鳳山書院落成壁繪三魚是科丙子

二十四年修儒學竣壁繪七魚是科已  
知鄉試捷七人次年庚辰鄉試又捷七人畫工無意  
之筆其徵符乃如是見郭志

普慈寺自塔每當科舉揭曉之前有鶴集於其上邑  
必獲雋與所集之鶴多寡相符屢見屢應又其寶頂  
相輪屢修輒被雷轟不解何故

古借錢廟在縣治西卽趙襄子祠相傳未有城先有  
廟故曰古初神甚靈異嘗貸人以錢有急需者虔誠  
默禱約期還晚間向神座下索取卽如數以給後多

弗償神亦弗應

古晏公廟在東城下不知所自始相傳未有城時奄

谷水經此北流卽今東門外南河每有衝溢故立神祠鎮之

迨後徙縣建城河道改城外廟隔城內額加古字示  
在建城之先也按明太祖征毘陵時大風將覆舟有  
衣紅袍者挽救之間爲誰曰晏公也及定天下江岸  
常崩有豬婆龍在其下迄不可築有老漁教衆請爲  
餌以甕貫縉釣之患遂除衆問老漁姓名曰汝晏陵  
不見明祖聞之悟曰是卽救我於覆舟者也乃封爲

神靈公高督大元帥

見七修類藁

又臨江府清江

鎮舊有晏公廟神名成仔明初封爲平浪侯

見續晏通考

公顯靈江上江河一例故祀以鎮河府志註祀齊晏

嬰誤

空王佛爲隋志超修行綿山蛻化於鳳凰山下有五

龍捧聖靈蹟鄉人禱雨輒應唐太宗勅封爲空王佛

其勅猶存北張村法雲寺中

奄谷內萬佛崖相傳爲鬼斧神工道光初武豹南親

入其洞見南壁上有楷字數十行略可辨識記宋時

惠安村富人王某家人約四五百口好善樂施發願

鑿山磨壁爲萬佛崖至今佛像尙多完好云

鳳山神燈每於月黑夜深之時燈光閃鑠始而一俄

化爲二三化爲十百奔如流星往來山梁間倏忽數

里移時頓滅論者以爲神光或狐吐丹蔡峪口亦有

此異

元尙書白儀墓邑志無考嘉慶初侯城村式某開龕

密於本村東南崖際挖土得斷石一方上有剝落字

迹猶可辨認爲尙書墓志今密已歇其土阜嶮然



猶存

劉智遠菜園在白村本無確據考正史後漢高祖微時受贅於晉陽李氏以其多力能傭作翁媪愛之谷邑隸晉陽菜園又與傭作類似屬可信然據五台縣志則謂高祖爲縣屬李家莊李氏贅婿其妻備受艱苦且有張公寄子事敘述頗末甚詳未知孰是姑兩存之以備參考

趙開村民於道光中年耕地得一石魚首尾鬚鬣俱備背上有一圓孔如錢大似爲組繫者叩之其聲清越以長夜靜聲聞數里懸諸社廟四方來觀一悍夫以椎猛擊之尾立斷聲遂暗後爲省垣打鐘寺古董肆購去不知何用又史某於嘉慶初掘地得古瓷盃數十製式堅樸其光黝然而澤夏月置肉食其中經宿不變考趙開爲簡子所闢乃馳驅般樂之所村人往往於土中掘得器玩多非近代之物意者卽其所遺歟

智元墓志石多年損泐署縣汪和重摹勒石存鳳山

書院

義塚 一在縣西門外北數十步嘉慶二十四年武  
彪施地九畝置男葬於北女葬於南有二碑石記之  
一在縣西門外南五道頭嘉慶中杜增炳施地二  
畝置 一在縣東門外數十步南河道東 一在貫  
家堡西百步許塚地長五十七丈濶七丈道光二十  
五年貢崇本募置 其各鄉自置未  
報官者不備載  
道光十八年重修文廟學署工竣贏餘銀一千二百  
五十四兩九錢四分官紳等屬白澄經紀以待辦公  
澄歿其子紳書繼之積年生息銀九百八十七兩六

錢三分新建近居書院歲修文廟學宮使銀一千零  
一十二兩八錢七分咸豐乙卯纂修縣志使銀一千  
一百兩餘銀一百二十九兩七錢盡數刷印使訖


Small character on the right side of the table: 水



原件收藏

山西省图书馆

原件书号

24241-48

原件状况

原件个别地方有污迹

原件个别地方破损

原件个别地方字迹模糊

[咸豐]太谷縣志八卷首一卷末一卷

(清)章清選 汪和修 章嗣衡纂

清咸豐五年刻本

八冊

本部书共摄制 2 卷

(1)首一卷卷一至卷六  
(2)卷七至卷八末一卷

版权所有 不准复印

# 本部书完

本片卷含：卷七至卷八末一卷